

docdrive 文川网  
入驻商家  
在文川网搜索古籍书城 获取更多电子书

中國方志叢書·第六十號

據清·余保純等修黃其勳纂  
道光四年刊本 影印

廣東省

# 直隸南雄州志

(全)

成文出版社印行



504

2010.10.10

518.5

中華民國五十六年十二月壹一版

# 直隸南雄州志

全一冊

定價：新台幣三六〇元正

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號  
電話：九二二〇一〇號

印刷者：正 大 印 製 廠

三重市長生街二號之一

內政部登記證內版臺業字第一一四七號



# 中國方志叢書導言

## 論方志在史籍中的地位及功用

論我國史籍的源流，要以尚書和春秋最古。章學誠（一七三八—一八〇一）有六經皆史的說法，認為古人未嘗離事而言理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事的史。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中慨說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事乖軌，職是之由。」這樣看來，我國累存的史料確是不少，可惜史學研究上還待重行檢討哩！

docsriver 文川网  
入驻商家 古籍书城

在文川网搜索古籍书城 获取更多电子书

唐宋以來，史籍的編纂却也演進許多，官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利病，遺存傳世的有史通一書，獨具評論性。另一位是章學誠（一七三八—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綬珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的循環律陷坑，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。(四)歷史研究者須有哲學的氣質，參用科學的方法，獲取藝術的成果。(五)對史實的特殊相若不加以解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。為了適應時代需要，樹立清晰而有系統的概念，我們把選印本方志叢書的範疇，暫定為鄉、縣、府、郡、行政區的地方史，及各種叙一物一事的專志等（如瀘水志、廬山志）。

明清以來，方志成為地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓賓史上的李馬奔 (Limahong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(5) 專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有興趣的史料。又如何炳棣曾利用方志研究中國的早熟稻種。

(7) 元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。

(8) 地方賦役的負擔，也可從方志比較輕重。

(9) 往目的水陸交通、驛站距離，也可查知考證。

(10) 鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11) 章學誠永清縣志對縣衙組織和差役的待遇，也是今日不易找到的資料。

(12) 往昔教育制度的社學、義學、書院、學田、科舉應考生的旅費等，也可從方志查考。

(13) 風俗、節日、寺院、壇觀、碑碣、古墓，在方志中均有豐富的記載可資考證。

(14) 少數民族如苗、獠的風俗，方志記載也很可靠。

(15) 歷任地方官的姓名、科舉名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

中華民國五十六年六月二十五日何光謨謹識於成文出版社

道光歲次甲申重鑄

直隸南雄州志

省城心簡齋承刻



直隸南雄州志卷之首

序

綸前度涖雄適改州伊始竊欲續府縣志為州志以百務待興卒未遑而去道光壬午承乏重來繼奉調補知前任余君保純署任徐君維清先後延學博黃君其勤於嘉慶二十四年勒有成書待刊喜得我心謀代授梓旋由徐君郵寄讀之其書本府志之舊文從通志之新例或仍或改具費匠心沿革清丈學額書院水利金石採輯尤為詳覈惟不錄始興未符體制考之府縣舊志亦有不能概從刪汰者於是緩制刷而謀補直檄取始邑胡大

直隸南雄州志卷之首

一

令勳裕新志藁本因黃學博成例依類彙編舊志應存者補新事應入者續屬草於癸未七月逮冬初領到

阮芸臺制府廣東通志全函覆加校核乃知舊志並有脫漏而補綴益不容已矣舊府志修自乾隆癸酉本十九卷黃學博約為十三卷曰南雄州志綸補舊增新釐為三十四卷曰直隸南雄州志甲申春正彙成復得權州事宋大令揚光悉心參訂釐改校讎歷夏及秋而繕刊始竣日忽經年藁凡數易雖曰續修殆不啻舉全書而新之也黃學博重修時筆資繕費二百金皆捐自余君此次繕寫

刊刷則有前陞州程月川中丞捐存之百兩州生員葉德全樂助之五百金不足者綸自捐給願卅載從官夙慙寡陋重以衰病續有纂輯胥本諸採訪人士舊聞軼事亦多得之前時查對書籍校正繕刻屬之大兒澤同然以七十之老夫濡毫記載固素願倖償其何以辭無文之誚哉况此書本節節而為之身既引疾念切還山其間體裁未及畫一冗蔓尙俟芟除綸於來哲不能無厚望焉書成爰臚始末冠之篇端

道光四年秋七月壬戌朔

詒授奉政大夫南雄直隸州知州光山戴錫綸

直隸南雄州志卷之首

二

重修南雄州志序

南雄志肇自宋嘉定迄有明之世凡八修矣惟嘉靖壬寅譚可徒大初採而輯之人稱善本逮我

朝順治庚戌郡守陸世楷重修文辭斐亶而尚缺田賦一書康熙丙寅郡守黨居易乾隆癸酉給諫胡定

更加補葺至今又六十六年矣嘉慶歲戊寅

督憲阮

撫憲李

奏修省志委

糧道憲盧 提調志局先命各府州縣預輯草志

而南雄適當改府爲州之後案牘散失文獻無徵

直隸南雄州志

卷之首序

三

頗難措手迺遵頒發章程定其義類約其指歸聘

請學正黃君其勤專司總纂分纂者州同汪君阜

訓導何君逢泰復延城鄉紳士廣爲採訪而余亦

以公事之餘親加校核凡閱一期而告竣夫志書

之作非特紀事實尙辭華也將使後之覽者觀事

以知政因時而考治論世以知人孰得孰失孰利

孰害孰賢孰否莫不條分縷析法戒昭然則教民

成俗之方亦於是乎在夫惟大公無私考訂詳確

上質諸鬼神下徵諸衆庶然後可以信今而傳後

則是書之作益亦勤矣惟是司纂者摺摭數十年

之事耳目或有未周而予亦以簿書鞅掌之身釐

訂恐多未確疎漏之譏誠有不免採而補之以俟後之君子

告

嘉慶二十四年歲次己卯五月署南雄直隸州知州候補同知直隸州毘陵余保純撰

直隸南雄州志

卷之首序

四

乾隆癸酉志序

給諫胡定人

天地之氣始於北而盛於南故三代而上聲明文物炳郁於嵩華恒岱之區時雄境雖隸荆吳而雉堞未崇鴻達未啟山川之精英固鬱結而未舒也迨秦漢以還風氣日開由是始析為縣繼設為州尋陞為郡鑿山通道而冠蓋如雲引水築渠而禾麻蔽野桓桓者如熊羆如虎貔休休者作鹽梅作麴蘖鴻偉鸚侶鵠起蟬聯衣冠之氣盛於臺關墨水間矣夫地衝則應接不暇物阜則調劑多功凡疆城之廣輸國家之經制風情俗尚宦蹟鄉評事變紛如不可無方志以資考鏡也稽南宋嘉定時

直隸南雄州志卷之首 舊序

五

州牧孫公肇修郡志洎元至正明永樂正統成化正德重訂屢輯至嘉靖壬寅司農譚莊懿公七畧兼融三長並茂掩雲夢以吞之湛秋陽以昭之已而萬歷周郡侯天啟汪郡侯暨我朝郡侯陸公姚公黨公吏治飾以儒術繁絃間發縟彩相輝簡冊中不已昭然得失之林與歲癸酉我郡侯梁公以佐命之華胄為一路之福星明以燭微廉以勵節盤錯既剗於利器豚魚亦格於中孚更念志乘為典章所繫風化所關曠六十八年宜加纂組斯誠嘉惠之雅意也定以固陋謬贊修明魯鼎看銘拘戈考篆核其所未確詳其所未周益以

當代之洪猷時賢之芳躅煮泥續尾軸以成焉梁昭明云椎輪為大輅之始大輅寧有椎輪之質增水為積水所成積水微增水之凜踵其事而增華變其本而加厲紀其文物發其聲明敢上擬於良史哉庶竊附於稗官之著述焉爾

知府黨居易

攷自班固志地理野王著輿地郡國效之因為國乘蓋以網羅舊聞取信後世大而天下則有一統志囊括六合號稱全書下而各省則有通志名曰會典其間人材之盛衰山川之頑秀物產之妍媸習俗之醇澆靡不筆而存之以備採風者之徵索

直隸南雄州志卷之首 舊序

六

雄州僅制二邑社不滿百科目雖稍遜於中原然代有名臣其偉績可相頡頏焉至於山川物產習俗則又各物其土之宜不容掩也志則自宋迄明經八修矣要皆散佚不全我朝定鼎前守陸世楷於順治戊戌年復重修之顧未竟而以讀禮去繼守姚昌廷於乙卯年補其全稱成書者迄今已數年矣茲蓋恭遇

皇上

武功通駿指戈銷蠹動之氣  
文德丕昭輯典紀時雍之盛今奉 撫憲李 藩憲郎 檄居易預為考訂增其闕略雖識慚窺豹才愧續

貂敢不竭盡搜羅勉圖補纂謹編丙寅仲冬借通判范之清昌令張進賢與令魏琪經歷孟汝俊府學教授關道賓訓導李翹楚保昌縣訓導黃道臨始興縣教諭霍履吉訓導譚秉奇本郡舉人李亦毅汪注許上觀貢生譚萊臣梁映霄汪維巖生員吳國霖邱人鳳譚經才會一嶸廖德豫張九德劉寵標黃宏道蔡蕃王鍾繼先等共襄事焉易聞郡之有志猶國之有史也以吳競劉煦之宏才猶文繁而實隱必待曾公亮而論定劉子元之三長歐文忠之獨學猶曰義例未彰於方冊逮至朱紫陽之議而始成易豈其人歟惟幸前人已有成書第詳加磨勘苟無關於風化無益於政治則繁者芟之其有裨於名教有係於流俗則缺者補之其餘分野之占候前詳者不敢復贅沿革之攷訂已訂者無庸妄更田賦未全者釐而補之學校增修者覈而識之山川里俗有未詳者表而章焉節義僊釋各從其類而附焉詩文無關於名教者刪之脫遺者補之鈞深析類悉以彼己之長挈領提綱務盡異同之見庶幾備一代之文獻垂萬世之竹帛不至於踏駁牴牾焉耳若曰繡黻

直隸南雄州志

卷之首

七

皇猷則吾豈敢

康熙乙卯志序

知府 姚昌廷

輿地之有圖志尙矣古者輶軒之使博採風謠陳之太史獻之天子欲以周知土俗之同異民情之樂苦以徵夫治理之盛衰時代之升降况乎山川形勢之阨塞田賦戶口之盈虛與凡人物制作之規模文章事理之餘貫尤不可以不詳載而審考之者也維雄所轄二邑不滿百社而實居南粵要衝民之土著者稀五方之雜處商賈之往來十得六七故嘗置關梁於此益以譏察出入杜奸究之源匪但筦權之爲重也郡乘自明萬曆訖修及今簡冊殘缺前任陸公綱羅舊聞搜緝佚史彙爲全志尙遺田賦一卷未成而去而雄舊以畝虛缺類派實見戶孔道煩劇調應惟艱一時蒿目民瘼者行補直權宜之計或未減於輕齋或取藉於橋稅及乎勢變事遷向之所欲竭力以垂永久者不能無所搖撼而升科厲民之弊終不可去往牒論之詳矣此則仁人君子之所當留意而深酌之者也若夫魁梧長者代不乏人其流風善政山川習俗可案籍而考也陸公蒞雄最久民有甘棠之思焉猥以淺薄繼其後迺爲綴緝補述付剞劂俾成全書其卷袞次第悉因其舊俾繼世之君子得要觀焉

直隸南雄州志

卷之首

八

天啟丙寅志序

知府 汪之浹

南雄志志雄風也風之發也蓬蓬而起徐披拂於  
林莽之間衆竅和鳴各極于喁之致誠氣有所感  
類有所應也故倡於上而曰風化而成於下曰土  
風又曰民風其中德教之漸訖功烈之薰蒸與夫  
節義忠良之鼓鬯而磅礴精誠所至自結運會寧  
獨氣機升降謠俗乃有汚隆哉雄之山川風物兵  
賦城池暨墟廟亭臺諸勝蹟前志亦綦備矣間有  
因革要不過於舊貫裒益從事非有陵谷變遷滄  
桑易位者也惟是宦達名賢貞良節義雄雖曩爾  
亦自代不乏人乃萬曆十三年以迄今日幽芳不  
錄姓字無傳將嚮風者何以爲景行行止地哉不

直隸南雄州志

卷之首

九

佞承乏茲土雅欲補偏救弊勵俗維風祈接武明  
興以來陳鄭周黃諸君子奈以衝途奔播半度日  
於牛馬走中故夙所懷來十未酬其一二今歲首  
稍暇始進兩序筆墨之精良者廩生陳祖虞陳其  
禮陳以課譚沂鍾宇湛何光祚日取雄志詳而輯  
之逸者補缺者修闕月之中校讎甫畢而陽侯浪  
作且釋舟楫而問菊松矣夫李廣結髮從戎每以  
不一當匈奴爲恨迨爲前將軍而又迷失道豈非  
天哉雖然余行不昧顛沛何傷此不佞於纂錄將  
竣之日承付梨棗不遑於驪歌聲裏更着踟躕也  
後有作者倘謂百狐萃腋鑿爲裘者之苦心以論

世之思成不朽之業是志之成庶幾其有風乎倘  
曰躬之不閱遑恤其後則不佞實無辭置對矣  
天啟丙寅志後序

雄官 毛丹采

府志以志府事則宜洪纖具備事閱時而時殊事  
則宜沿革畢陳俾攷究者歷歷可指而酌也雄州  
田賦有虛糧軍屯有登耗取志質之杳無更易本  
未當調兵需饟之際苦心酌劑限於莫可參互未  
嘗不掩卷浩嘆也不寧唯是且並原版失去者四  
十疇披覽之前後不相屬令人憤然欲擲會攝府  
符廼命工剗刷增所未有亦僅僅補所本有爲覽  
者差快耳若屯賦等事則有待於綜核之士蒐家

直隸南雄州志

卷之首

十

乘采口傳以訂定而垂將來毋使後之概今又如  
今之概昔也余任茲土自乙丑之中秋泊庠戊辰  
中春厭葷劇而思避地遂以釋去知而不及行者  
多端祇自苑苑猶幸初代府庖於郡膠中殿堂門  
庫葺飾繕完載代府庖而缺志爲全編庶幾歷雄  
一番不成虛度云爾

萬曆乙酉志序

提學 陳性學

古九州之志載在墳典至周以誦訓職方氏掌之  
所繇來舊矣雄故揚州南境也其以雄名郡者何  
巾峰青嶂葱萃屹立凌昌西注瀆連南匯控番夷  
而界江楚爲嶺外第一區而襟帶而巖險而物華

而人文衰然嗚然環百餘里市城笮拆相聞也按圖索紀自漢平粵之後華風已開奚待唐開元為通道始宋宣和為郡郡先乎昔之方志永樂間嘗詔督修之漫不可考余先人嘗為是郡佐遺有鄧文江舊本居常緝省謂其地庶幾頡頏中州也歲乙酉春余奉命來董粵臬度梅關而南日擊山川之勝攷跡而問志司理施君方視篆授簡而讀之蓋郡人譚次川之續編也皆在肅皇帝壬寅距今幾五十年所文多殘闕且版籍久而寢圯已宜重有紀述以待太史氏亡何太守周君下車獨事振厲於典故尤究心焉因慨然曰先正有人界

直隸南雄州志卷之首 舊序

而索經者况郡志一方之史也簡畧若茲欲執以鏡吏治何繇哉遂謀於施君暨諸薦紳文與博士弟子殫厥元覽悉陳睹記分曹開局而校讎焉陋者飭蕪者及誕者紕逸者補總成八卷標分臚列眇昔彬彬具焉余獲寓目其成幸已何敢涉筆其間厚嘗聞康太史德涵氏志武功得載筆體乃崔司成於鍾氏志彰德悉傲之二氏蜚英關洛才均班馬跡其所紀大都緒理會要以垂勸鑒不觀齷競斧藻譚厥後臨江諸郡乘宗焉余觀是志也初慮地理湮蕪作郡圖有大鑑戒宜特書作郡紀賢人關治休替作職官選舉表為志之例則提封營

繕食貨秩祀學校而兵防繼之為傳之例則名宦鄉賢忠節將畧流寓孝義貞烈而方外附之至於斷珉殘碣遺文墜什拾於奧窔荒蕪者咸備識焉詳而核簡而工是是非非疑疑而信信宛乎二氏家法也有如今日修成廟故事籍之天京且將為內史助詎獨以空文傳述如武功彰德已哉雖然以金鑑者識妍媸以古鑑者明法戒卽是志匹夫匹婦以一節著於鄉皆得書或高顯通貴而泯淪無間媿之矣雄之先碩彥繩武率纍纍有人至如隋之麥鐵杖唐之張文獻宋之譚許彭陽諸公豐勛茂績迄今爛然史冊志之更詳足資尙友覽

直隸南雄州志卷之首 舊序

者其孰無疆為善之心也古所謂裨官墊史意在斯序是編也太守周君保實總裁之叅訂則郡佐鄭君良佐施君可大邑令汪君一右校閱則學博張子巽容子維翰陳子徽柔若庠士温汝學表庶陶楷譚衡表賡葉棟蓋先後操筦佐成者也並書之

萬應乙酉志序 知府周保

古者自王幾至侯國莫不有史掌記時事如星曜分野保章氏辨之山川形勝禹貢書之則壤粥服職方氏掌之又有小史外史土訓誦訓之設凡為語俗圖志之掌備載周官可攷據也我朝大一統

之盛際邳隆之運王畿而外建置郡邑以分治理  
夫今之郡古之侯國也今之志古之史也爰稽諸  
古晉之乘魯之春秋與周志鄭志之類凡皆爲記  
事史也所以掌故實職登載備考閱者不昭昭簡  
牒乎南雄界五嶺外百粵奧區自漢迄元檉紳學  
士操觚弋菟林者獨無志籍備典故哉第世逃言  
湮楮蠹文殘無足稽徵明興歷朝循襲以成一郡  
之志者雖數經纂組率董董悔備嘉靖壬寅尙書  
次川譚公以良史之才握剛潤之柄曠括往迹綜  
覈時事嘗有所指摘而錯節衍語體裁辭法勒成  
一家言西京而下作者靡及其左馬二氏之流亞

直隸南雄州志

卷之首 舊序

三

乎郡事藉是可考鏡矣但自絕筆距今四十餘禩  
其星野山川疆域之宜雖罔變易而財賦之盈縮  
士俗之因革循良之疊蒞賢俊之泝登坊署之更  
置軍旅之變通率未錄載况據通志猶有一二抵  
牾闕畧又當直補而釐正也余政暇慨舊板遭燬  
乃商諸同寅續修鉅梓檄聞當途咸示曰可於是  
命訓導容維翰陳徽柔偕庠士溫汝學裴庶陶楷  
譚衡裴賡葉棟菟羅往牒反覆校讎星野防乎甘  
石二家山川疆域依之禹貢次田賦而尺籍明次  
祠祀而秩典紀次官師里氏而治忽悉稽次選舉  
科貢而明制不紊次學校以揆文次兵防以奮武

次名宦思遺澤也次鄉賢樹表式也次忠節貞烈  
以爲激世之大端次詰封廢敘以揚國典之大義  
他如將畧有書方外有書怪異正祥有書凡有關  
郡治可備省覽者皆髮櫛緝貫靡或遺也月餘輯  
成鄉先生欲余一言序之余以左氏傳記柔韉麟  
經太史公抽石室次史記則據國語采世本述楚  
漢春秋接其後事余陋識寡聞敢曰南史董狐若  
簡筆乎大都因譚公之舊文續櫛採之新事襲前  
章總大枝而以愚管增演成帙俾闔郡事一發簡  
瞭然若指掌林然若貯品藥於篋肆以需異日倉  
扁按而求耳彼嘒星之繼朝陽飛塵之集華嶽果  
有裨否耶無亦據事核書存一印證以俟後之君

直隸南雄州志

卷之首 舊序

古

子云  
萬歷乙酉志序 同知 鄭良材  
函夏輿圖掌於職方氏畿輔外幅幘修鉅者置爲  
郡間有孤懸衝要當四方襟喉雖封疆僅僅類古  
附庸亦設城守南雄居粵徼距漢人華隋唐宋元  
之際建置不侔迨我明建爲郡屬邑二封疆延柔  
雖匪修鉅豈非以衝要當襟喉乎梅關而下置郵  
連絡仁化信豐爲東西肘腋北之南安南之韶陽  
勢相犄角全粵之區恃爲鎖鑰山川環峙疊翠叢  
青風氣淳結毓而人文先後彪炳如唐張文獻宋

譚八行邱忠節輩耿耿烈書史冊嗣今登賢科顯  
仕籍尤霄煜寓內直賦稅懸虛閭蕭索物產未  
繁罔資殷阜耳揆此悉關郡事非紀之志籍則觀  
風者胡鑿贏細按治者胡鏡豐歎都人士亦何藉  
以考前証後元以往典籍殘缺不可稽矣國初以  
來屢更纂輯嘉靖壬寅修於郡尙書次川譚公紀  
事屬詞足爲信史垂數十禩其間變遷沿革歲殊  
而時或異余忝半刺筦務暇嘗與諸寅商謀續紀  
矣適舊板遺害祖龍是歲乙酉堂長周公寅丈施  
公慨然孚志修復廼命學職借弟子員析曹校訂  
就耳目所親記搜羅彙括續前記載凡天地災祥

直隸南雄州志

卷之首

舊序

五

山川封域土田物產吏治民風學校人才防禦武  
備班班編輯緒就付之剞劂上請臬司陳公揮穎  
摘章敘於簡首堂長寅丈增以繪藻余匪佞叨從  
署末敢援筆續貂協成懿籍爲一方輿圖云

萬曆乙酉志後序

舊關名

雄嶺以南最先郡也名介百粵中實與古洪都接  
壤中州人物之化亦最先被由漢唐以來道德勳  
名節義之士燭然光簡冊而其中科第聯翩若張  
文獻公邱僉判公並以兄弟雁行而登朝寧何盛  
也八明初亦不乏人乃今則寥寥矣豈今昔之人  
才果異歟抑一方人文必有待而興也不佞自萬

歷癸未秋來理是邦見郡志所刻僅及嘉靖壬寅  
以前然已殘闕弗備低徊太息者久之乙酉春承  
乏署篆適監司陳公至出志觀之曰噫是鉅典也  
可弗急歟遂計直庀材業已什七而郡長周公繼  
至銳然有意於維新則又鳩工諏日以從事迨丙  
戌春告成夫山川清淑瓌璋之氣不發則不宜不  
激則不應是書之成列名區存勝概揚前休崇後  
觀數十年來所蘊結溜閭而未宣者行且昭爲國  
史蔚爲人文與巾山淩水相輝映也由斯以往安  
知科第之出不與名都相頡頏哉又安知道德勳  
名節義不與先哲相炳耀哉然則是書也乃雄州

直隸南雄州志

卷之首

舊序

六

文獻之始也不可以無識綸按陳序及職官關  
名當是施君可大

嘉靖壬寅志序

史部古 歐陽鐸

嘉靖癸未余領督學廣東之命仲冬之月遵廣嶺  
而南道旁松數千章甚奇古相傳張文獻公手植  
徘徊久之抵雄凌江已月上矣舟遂夜發明年孟  
夏迺復至雄視學有間上平政樓望巾山挹金馬  
招威鳳於東崗占瑞龍之晴雨壯哉五嶺之首一  
大輿區也盡保昌始輿地雖不能百里然而襟百  
粵帶羣蠻內通江漢外控番禺屹然南國之紀攷  
諸前志秦漢略焉唐自開元而後梅闢刊木人文  
由昭至於宋元深矣而其事亦多闕亦有不可以



訓者會議修通志徵學官弟子博取草上之未竟  
余以遷去後二十年保昌進士譚子大初攷索載  
籍刊誤剔蕪增益其末備發凡舉例爰成新志太  
守胡君永成重加校定錄其副遣朱生端明蔡生  
邦俊卽會雲山庄示予其言沿革之故利害之端  
詳矣大書以敘事分註以載言益用史記法以志  
亦史也詩文有通錄有節文有剛句剛字此以志  
而權筆削貴質也諸有久廢而不宜廢者不以入  
故蹟後有復焉者可也山川必高大靈異者望也  
祠宇必有大功德者思也望可表也可祀也思則  
不淫矣名宦以爵敘者制也鄉賢以世敘者猶尙

直隸南雄州志

卷之首

舊序

七

齒也食貨詳於虛賦者民最病也風俗熾惡並書  
者民所習也茲其望乎上者尤厚乎終之以方外  
而寺觀附焉狄異教立民坊也蓋胡君兼治春秋  
學與譚子同道故多用斷例然而不苛不固不遺  
不蘄斯其善志也已雖然亦欲記諸行事則寧有  
大於學校食貨者耶而雄之積弊亦是爲甚夫養  
士如種木然株而植之能株而成之乎民輸當如  
負物無過其力過其力則仆矣余往取士於民間  
至數十人竊取博種之義由今觀之何如也諸君  
子誠篤教誨亦以其類相長有足相承耳虛賦不  
可以蠲則必取諸民胡君以餘田補見戶之虛以

虛田虛丁折力役之征如彼負者少損矣其自弗  
任乎夫學校興則選舉貢辟蔭敘風俗由此其階  
也虛賦平則戶口料役物產秩祀繇此其資也事  
蓋有舉其一而諸善從是故君子惟大之爲務安  
成前後守雄者三人若劉公嘉秀特著在傳胡君  
剛介廉靜似之而譚子妙年青才厲志秉禮其將  
以修曲江之業乎宦思同績鄉思同德斯志載續  
當有執簡以從者

嘉靖壬寅志又序

提學  
副使林雲同

嘉靖壬寅冬十月南雄志成上余請敘得覽觀焉  
有圖有紀曰何幅員之小也其廣下郡與然而聞

直隸南雄州志

卷之首

舊序

六

於兩省之間矣母曰民寡惟慎厥事我前聞之也  
有職官官列而賢不肖古今晰矣思齊內省孰無  
是心高輔何人也然固卑微以獲戾去猶亟書其  
績爲叔屈也公論在人心蓋茲徵之爲善者何懼  
焉有選舉學校則科第間一見耳夫自元以往吾  
無論矣惟我朝以文章取士士兢兢濯磨以進而  
賢者能者詎有出此之外者乎是何其寥寥然孟  
軻云若夫豪傑之士雖無文王猶興况遇文王此  
中林兔豈所爲皆于城腹心也今聖明馭極緝熙  
敬止縱不爲豪傑豈可自讓于中林兔豈之夫哉  
然鼓舞振作誰仕其職庸弗惕與提封至風俗篇

docsriver 文川网  
入驻商家 古籍书城

在文川网搜索古籍书城 获取更多电子书

言士恥奔競賈憚遠商工無巧技喜曰夫猶先王之遺也尚質務本則人罕淫心然喪以鼓吹禮無親迎不亦陋乎反正之思客但已哉普繕之政有國所不廢也然本以利民非以虐民君子慎之開路六議其仁人之言乎邑無全里里無全甲甲無全戶吾於食貨志傷焉調攝攻補如醫用藥則良司牧矣秩祀典也兵防衛焉敬以臨之故敢練以教之故不棄其誰則知之遠讀至諸傳名賢忠烈貞孝簡核詳慎可興可勸史氏之規也余則潛然涕出矣昔我先君司教茲邦忠信仁義交孚上下今猶烈烈耿光乎是識諸人心者也雲同何忍言哉方外殊品也可以書可以無書備之云爾夫有天下之勳而文籍生焉曰經曰史經以明道史以著事要之匪二也故讀經不讀史曰疎讀史不讀經曰舛今六經尚矣諸史備矣志史流也古列國皆有史今郡縣即古列國是以各得志焉君子曰夫志昭往貽來也有三才之道焉故仰稽天文俯察地理中周人事志則具矣為政者亟修之然怠者不肯修愚者不能修弱者不暇修余茲歎耳見斯志而知胡守之善政也胡守官未數月遂銳意纂集猶不自專特請督府蔡公巡院姚公泊二司與余報可而後與郡人名進士譚子成之夫治貴

先務志成而三才具省驗封守因革損益行焉其於政也何有故曰見所志而知胡守之善政也胡守名永成譚進士名大初而保昌尹林燭學諭王蓋臣咸與有力然咸賢司儒也法得俱記云  
嘉靖壬寅志後序  
知府 胡永成  
雄志三十年未修續修於今非永成敢獨任其事幸有郡進士譚君次川成稿在永成特樂成之云爾夫雄為嶺南小郡今閱是志人民故實秩然明備森然簡嚴而諸老先生雄文高作又黼黻乎卷端雄雖小而重矣嘗憶杞宋在春秋亦為小國文獻不足孔子傷之夫文獻何可不足亦為當時柄國之士粗於小而畧且怠焉耳永成之處小與杞宋人同惟畧且怠之是懼求以免夫將來君子之傷此所以樂成夫今日之舉也若謂末學荒蕪而亦能贊一詞於篇末則豈敢哉是舉也謀肇於嘉靖壬寅八月其十月即奏功若同僚紫山裴君相松溪張君曰蒙咸喜襄厥事者也詎可畧云  
嘉靖壬寅志又後序  
戶部 譚大初  
尚書  
雄之為州自偽漢乾和始州之為南自宋開寶始郡故有志歷宋元而正德凡六修嘉靖壬寅冬安成嶺泉胡侯下車之明年也政平訟理民日以蘇攷閱圖志慨然懷古懼文獻不足傳遠也乃上其

事於撫按藩臬諸公既咸報可則率僚屬具書幣  
過愚而言曰古者列國皆有史官掌記時事今之  
郡縣古之列國也祀宋不足夏商奈何况缺而未  
修修而未備者餘三十年以其時則可矣舉要刪  
繁敢屢執事適遇內艱服除既不獲辭爰出舊彙  
借庠士周子仕魁郭子大章裴子方盛譚子會重  
加校勘冗者裁之鄙者黜之畧者補之訛者正之  
疑者闕之爲圖一紀一表二志六傳八釐爲上下  
二卷胡侯受而斟酌焉遂梓以傳夫圖以詔地事  
古之制也作郡圖郡之大事鑿戒昭然宜特書作  
郡紀職官選舉郡之望也作二表凡志郡邑者民  
所止也故首提封位署建而後制度彰故次營繕  
衣食足而後知禮節故次食貨富必有教故次秩  
祀庠序者禮所從出故次學校有文必有武故次  
兵防凡傳名宦鄉賢崇德也死事褒忠也將畧錄  
功也流寓思賢也孝義貞烈崇正也正崇則邪闕  
矣故以方外終焉所憾才識疎淺蒐輯未詳不足  
以副賢侯昭往貽來之志姑敘編摩歲月以俟後  
之君子竊附裨官野史之義云

正德丙子志序

知府 李吉

南雄志者志南雄天地古今之所有也天地大矣  
勢也古今異矣時也志獨一南雄誠所有者蓋分

直隸南雄州志

卷之首 舊序

三

直隸南雄州志

卷之首 舊序

三

有南雄之所有也維何南雄之所覆載者天地也  
南雄之所往來者古今也理與氣運時與勢通雖  
殊方異封凡事物機數之所不能無者皆所有也  
如列方域也類物宜也紀時事也品人才也別善  
惡也敘盛衰也著生成也判久近也用收一方天  
地古今之所有而志之故曰邦典也此而不備且  
詳焉則南雄之所有者間爲天地古今之所遺棄  
無以通天下及後世則天地之體用古今之綱維  
萬物之散殊無所收亦無所徵抑亦無所可否於  
天下後世也胡爲乎爲聖明朝之一邦爲一統志  
之一卷爲中國夷狄之通考爲億萬世無窮之盛  
制哉此南雄所有所以志也所以修也所以博而  
備精而詳者也稽之禹貢晉乘楚檣杞魯春秋蓋  
將無闕畧之遺焉工其采擇深其考訂精其是非  
嚴其去取而爲之者也其始也舊志不一類 其  
詳所有者不能盡有其所有而大小始終流衍隆  
替抑何闕然而晦燦然而譽紛然而駁又茫然乎  
無畔疇會而歸焉舛錯詎詎得失半之謂志爲大  
全未也爲一統志采附之抑難矣正德癸酉秋吉  
承乏守此閱舊志遂喟然曰志故典也典而弗實  
弗文弗正弗大弗公弗中弗備弗詳焉弗若南雄  
弗故矣弗可也弗任其責弗乘其時弗要其成則

南雄之所有亦如弗有寧弗有負於此邦哉遂於  
 政暇中取諸舊志歷經心目合萬為一以綱統紀  
 而一清之適奉大方伯吳公檄至乃命庠弟子員  
 蕭元芳旁博采其遺廢後訪國子監生李藻藏草  
 鑑其是非禮致何郡博世傑文翰以專纂修之業  
 幣將李解元景初識斷以成校正之功司考訂者  
 致政王令文欽之學藝也承緝飭者鄉貢進士郭  
 繁之才華也既而集眾見取眾長而總理之凡天  
 地古今之所有察其理氣審其時勢揆其事物機  
 數如方域列之物宜類之時事紀之人才品之善  
 惡別之盛衰敘之生成著之久近判之以大收其  
 所有天地體用古今綱維萬物顯微實而有本焉  
 文而有理焉正而有定焉大而有容焉中而有主  
 焉公而有義焉備而有盡焉詳而有精焉大小始  
 終之妙咸載而不失其全焉提調之任又弗可得  
 而辭之者矣未幾萃其所有而一之偶郡同知鄧  
 公璽郡判俞公滂郡推鮑公玘至叅互考訂總其  
 綱列其目極其大成而全焉若千篇進諸二三庠  
 弟子員歐陽忠李嗣魁郭允為羅裔馮曉何龍陳  
 山郭廷寵周一鶚蔡元卿曹邦爵王良相輩精其  
 楷書以授諸梓壽諸楮帙而為書曰南雄志此其  
 成也此其時也此其邦典也天高地下古往今來

事物繁浩南雄所有者於此乎至矣盡矣於乎千  
 里封疆囊括無餘一覽會通鑑空可得是故大大  
 全也聖朝收之一統志通之中國達之外夷垂之  
 億萬世而可考天地古今萬物所載者煥然如今  
 則天下後世究其詳備僉曰善哉南雄其名邦矣  
 夫志其盛典矣夫名邦盛典其大明之定制矣夫  
 豈小補云乎哉  
 正德丙子志後序 知縣 張奎  
 皇明輿圖大一統之盛事蹟規制具諸一統志撮  
 其要也至於郡邑各自為志所以收裨官野史之  
 詳昭大全焉南雄嶺徼首郡舊志脫畧增修曠久  
 會大邦伯一齋李公出守茲土百廢具興暇日謀  
 諸貳守鄧君信卿通守俞君公濟節推魏君以道  
 相與德憑而是編適成公自敘詳矣間以末簡授  
 奎小子謂宜有言竊惟南雄為郡保昌始興隸焉  
 前此紀載俱附郡志互見今編述作大抵仰遵一  
 統志凡例星宿分野山川區域風俗沿革人才盛  
 衰宦蹟灾祥城池宮觀物產文藝凡所建置報罷  
 皆存諸邦伯公一心之權衡而政教之敷施每得  
 之於千里湖山之外以奎從大夫之後正當樞衣  
 問政奉以周旋譬之風雨霜露無一氣而非天勾  
 萌甲拆無一物而非地何敢預有功預有言耶願

名次多賢之後有榮耀焉述其大畧如此  
成化甲辰志序 知府江 璞

凡郡國皆有志志豈易爲哉世嘗病爲志者率多  
考據欠詳浮泛少實好惡不公子奪失當豪門官  
第雖不可書者亦書之間閭舊族雖當書者亦不  
及甚而書無統紀理或舛訛冠履倒置薰蕕雜列  
好高者紀常而不紀異不知天地之理無往而不  
在白濁者狗異而並棄其常不知邪正之分截然  
而不可亂此世之通病也間有不冒是病者亦鮮  
矣嗚呼此志之所以無足取信於天下後世也予  
自成化乙未承乏來守茲郡迄今首尾蓋十閱歲

直隸南雄州志 卷之首 舊序

五

矣凡百廢隆亦頗修舉至於郡志則未暇爲之蓋  
亦不敢自冒是病者也而往來士夫索是書者咸  
曰缺典責望甚重乃歲甲辰三月文江鄧君本元  
至自橫浦遊於凌江郡長老復以郡志缺陋爲請  
於是禮致之館於大中書院以郡志託焉君日得  
與郡長老遊參互考訂居數日君具凡例以請商  
訂之餘予旣以世之通病告之因謂君曰志之爲  
書關係甚重田賦物產山川道里有禹貢之遺法  
人物臧否常異並書寓春秋之大義上而國家之  
制度下而風俗之美惡具在焉君其慎諸君日諾  
越數月而書成復質於予且疆予爲之序遂次第

所職以冠諸首簡不識以爲何如若夫修志大旨  
立言微意則見諸凡例散之各類茲不復贅云  
正統丁卯志序 訓導朱 暉

古者列國皆有記事之書如晉乘楚檮杌魯春秋  
之類無非寓褒貶意也後世州郡有志惟紀其疆  
域風土戶口賦稅學校人才詞章以及鳥獸草木  
之名而已其於褒貶之說初未嘗有南雄舊有誌  
顧其所著亦頗詳悉然其間採擇欠精門類無統  
兼以簡帙散逸覽者惜之正統壬戌莆田鄭侯述  
用藩臬大臣薦奉命來守是邦甫至首與學校次  
及社稷壇場廡舍農桑水利橋梁道路靡不究心

直隸南雄州志 卷之首 舊序

五

不數年間百廢具舉而於郡志一書尤拳拳焉至  
是則命郡庠生譚玟參考舊編標目分類而纂集  
之復檄保昌邑博章先生孟孚董其事而暉亦濫  
校正之列其所紀載則疆域以志遠邇風土以志  
淳漓戶口賦稅則志其豐耗盈胸學校人才則志  
其盛衰否泰他如名賢有祠節義有扁而忠孝武  
勇之廟宇堂室與夫古今人物文詞題詠有關於  
雄者亦皆備錄無遺其事則增新其文則省舊誠  
可便人之觀覽則是編也雖不敢竊褒貶之說然  
一郡之政俗關焉名教係焉而賢才物產率由是  
而可稽焉則亦非細故矣始工於丙寅冬越明年

夏而書成乃命暉序其端暉謂志書郡之一大盛事也前此任牧守者或視爲細故置而不問又孰知是書爲當務之急如侯之用心者哉昔子朱子守南康始至問及志書識者謂其知所當務觀侯之拳拳是書可謂知務而同乎朱子之心也暉之文不足以盡其詳姑舉其事迹一二而筆於簡端以俟觀民風者采焉

明永樂甲辰志序

知府陳賜

余嘗讀虞夏之書封山奠川以別州境東漸於海西被流沙朔南暨聲教訖於四海華夷境界雖殊而熙皞之風自若也洪惟聖朝稽古右文乾坤一

直隸南雄州志

卷之首

舊序

七

春謳歌萬里輿圖之廣風俗之淳赫然上繼唐虞三代雍熙泰和之盛治也迺永樂己亥春特命儒臣纂修郡志以嘉惠天下書成彙進蓋亦有年矣且雄之爲郡阜於江右人物風土頡頏中州孕靈毓秀不暇枚舉余忝科目受職烏臺書考蒙恩擢守茲土素閱郡誌未及綬而成書開嘗聚守禦將軍李公榮譚公勝葉公榮洎文武僚屬捐俸繡梓以廣其傳一郡之書分爲四卷名曰南雄郡志編輯而成書者郡邑儒學典教彭最李奎也校正其乖舛者滇江儒士彭彝也既而梓工告成篇什璣璨咸徵余文弁于卷端余聞郡之有志其來尙矣

文以時異治以道同首之以建置沿革則星野之次舍以明繼之以疆域城池則歷世之形勢以定次列山川廟鎮之廣袤土產貢賦之所宜與夫風俗氣候之常戶口錢糧之數學校之設軍衛之原廨舍壇場之廢興寺觀橋梁之裁製古今宦蹟僊釋詩文纖悉靡遺品式備具於以激厲風俗以洗千古之陋習俾一郡之文獻可徵垂萬世無窮之勝迹也雖然風化之盛係乎人才人才之盛關乎氣運矧茲名郡限東廣北陬忠孝科名聯芳步武士君子生於兩間涉獵經史應覽是編裨益志趣展明體適用之學爲致君澤民之道若羣材之出

直隸南雄州志

卷之首

舊序

天

鄧林良金之生麗水鏘然鳴國家之盛則此書之垂世立教豈不綽然有餘裕哉校諸隋唐之麥鐵杖張文獻公宋之譚許彭陽豐功偉績必不讓專美於前矣  
元至正丙子志序 據舊 教授 黃慈孫 志續補  
宋嘉定庚辰志序 知州 孫 宗  
南雄斗大州得文獻人物之英章相典型之舊州之名遂顯加以嶺梅之清勝池蓮之芳腴望安聚遠之豁舒瑞相藍田之幽邃名賢留題宗工記敘發越表曝遂爲嶺南佳郡比萃圖志欲刊以傳遠束於郡計力所弗逮僅成保昌志八卷然記載於

刻可得而復獨前後賦詠或書扁榜或題柱壁鏡之堅珉者不多見也慮久散漫因循湮沒搜撫流傳在人耳目者得詩一百二十八篇詞一十首刊附帙末其餘後之牧守以成余志云

舊府志以舊序附藝文之末新增改編卷首極是今從之並做繙書之例諸篇以後來者居上使纂修次序新舊一貫再州志本合府縣志而成保昌向無志自康熙丙寅邑宰張進賢始析郡志為之壬辰邑宰李夔龍續輯乾隆癸酉攝令陳志儀重修郡人給諫胡定纂是為今存之原縣志各有序文既未便彙附於斯特摘錄梗

直隸南雄州志卷之首 舊序  
概以存往述 戴錫綸

无

纂修州志職名

重修

署南雄直隸州知州候補同知直隸州余保純

署南雄直隸州知州廉州府同知徐維清

編纂

南雄直隸州學正黃其勤

協修

南雄直隸州同汪阜

南雄直隸州訓導烟瘴俸滿候陞知縣何逢泰

採訪

人邱學瓊

舉

辛

拔貢郭璜

恩貢何作元

歲貢龔應龍

歲貢劉理培

歲貢歐世楷

附貢陳昌譽

廩生何鈞

生員歐陽焯

生員鄧其相

生員嚴大文

生員黃雲瑞



生	員董達遂
生	員葉香泮
生	員葉湘
生	員劉安邦
生	員黃光
生	員曾任勳
職	員陳玉璜
職	員黃汝和
職	員郭志鵬
職	員吳順海
監	生周壽文
續修	
南雄直隸州知州	州戴錫綸
察訂	
署南雄直隸州知州大埔縣知縣	縣宋揚光
同校	
南雄直隸州訓導	導莫兆槐
監刊	
南雄直隸州吏目	目徐邦煜
採輯	
舉	人邱學瓊
歲	貢劉理培

直隸南雄州志 卷之首 職名

三

附	貢陳昌舉
儒	士何士墉
生	員葉德全
採訪	
舉	人何金
舉	人孔憲淳
拔	貢郭璜
拔	貢鄧宏奎
恩	貢何作元
副	榜謝心銓
歲	貢謝正源
附	
附	貢譚尙鉦
廩	貢朱槃
廩	生何鈞
增	生廖烈芳
生	員朱文清
生	員胡嘉謨
湖南候補州同署衡州府通判	判吳順海
職	員梁世椿
繪圖	
布	衣李介亭

直隸南雄州志 卷之首 職名

三

重修凡例

- 一新定章程與舊志畧異或新增或附入悉依新定章程編次
- 一舊志所載業已詳備今昔不殊者無庸添補
- 一自乾隆十八年以後至今六十餘年之間文卷散失故老無傳其職官選舉多有難考者闕之
- 一嘉慶十二年改府為州職官衙署祿餉存解各項俱有不同悉為開載
- 一嘉慶二十一、二、三、四、五、六、七、八、九、十、十一、十二等年清丈田畝更定稅則以及農田水利一一詳載
- 一改州以後學校事宜與昔不同俱為編入
- 一壇廟祀典有近年新增者補載
- 一書院經費係近年增設所有章程一一備載
- 一生員科舉卷資俱係修文廟所餘及各捐助皆為載入
- 一城池橋梁道路有新修者補入
- 一宦蹟流寓前志有載入雜志者今摘出改編
- 一謫宦前志載入流寓今摘出改編
- 一南雄一州並無鐘鼎等物其寺觀碑記佳者無幾今擇其稍雅者編入
- 一藝文前志止有詩文無經子史等書求之搢紳之家間有著作亦皆不存不能以經子史集分

編

- 一人物列傳有新增者悉據紳士採訪而潤色之至耆民冠帶悉以文卷為據
  - 一物產有昔無今有者亦為載入
  - 一職官文職自訓導以上節孝會請
  - 一旌表者方入省志今所採文職自巡檢以下節孝未經請
  - 一旌者亦為編次蓋州志與省志體製各殊且舊志俱為編載故仍沿其舊
- 學正黃其勤謹識

續修凡例

- 一凡成一書必先發凡起例而後從事此次續纂意在補苴門類胥照重修本無例之可訂顧兩手先後編輯漫少區別閱者茫然既難辭掠美之嘲譏何以識開先之勞勩書成例見約有數端
- 一志為官書事實多統志所取材行間上留空格以備擡頭此通例也舊志重修或頂格或留空參差互見今十已改正八九疎漏尙俟後賢
- 一志州屬據舊府志而參以保昌志志始興據新邑志而參以舊府志凡錄自府志者仍舊為多

錄自始邑志者刪潤爲多總之補脫訂訛必兼  
考省志

一舊府志於保始二邑事蹟職官外分門彙載每  
鱗次疊見不更殊畛域在府志體例自爾重修  
已併保邑事蹟於州屬今各門皆先本州而次  
始興以明統屬

一舊志應存文獻暨有心力裨益地方者事無鉅  
細重修偶佚茲爲補載

一重修訖於嘉慶二十三、四兩年各門係乾隆十  
八年以前者註曰舊志十八年以後者註曰新

增今倣其例凡仍府縣舊志及據省志補入者  
直隸南雄州志 卷之首 凡例 五

註曰續補職官選舉中有補其細註者曰補註  
各條字句有修飾增減者曰續訂或舊志新增

所無據載籍與採訪纂入者曰續增至舉一門  
未依舊志新增原次而有所添補悉皆釐訂者

如沿革職官選舉疆域分野山川廨署壇廟關  
隘祀典祿餉鹽法積貯兵防城址署宅樓臺防

表寺觀等則於門目下註曰續編

一本志纂於通志新成之後凡有徵引胥從省文  
減字之例註曰省志並示有別於舊通志

一郡縣志必首輿圖蓋徵文考獻著往詔來全志  
由此而起今採昔增新臚於卷一他若封建畧

度崇祀樂舞藝文金石等凡以補舊志新增之  
未備者概行續入

一禮樂爲教化之本源育才爲政治之先務經政  
內典禮祀典書院新增原次在積貯之後今緣  
頁數稍多分冊成帙未能厚薄適均謹托斯義  
移置於前分爲兩卷

一藝文內記最多序與書與文各二篇說一篇不  
能分類彙載仍其原次以著時事

一人物列傳見於諸史及統志省志者俱仍原文  
而叅以舊府志寧詳毋畧其餘各傳並仙釋雜

志間亦潤色祈近方雅惟列女先後未全釐正  
直隸南雄州志 卷之首 凡例 五

一各門跋尾倣於史氏論贊勸誡之意之所寓也  
舊志則前郡守陸公世楷黨公居易郡人胡給

諫定諸賢跋最多而亦最典贍可誦除新增採  
錄外擇其尤者悉爲登載庶諸賢撰述之功藉

以永昭來禩

行篋所携止會典統志列史通考續通考地志  
水經御覽說郛五禮通考及六朝唐宋詩文集

數種繙閱於公餘病起又止一二人如陳書周  
文育傳之庾嶺卜者葉廷珪海錄碎事之五嶠

白雲沈懷遠南越志之云經大庾清穢氣分樂  
史寰宇記之修仁賦詩三楓五渡皆雄州故實

但闕及於藁本既具之後每無從採附此臨湯掘井緩不及事遠遜萬斛泉源不擇地而湧者之爲良沃矣然目所及見尙莫適爲用未見之書更復何限所望後之君子補其不逮荒陋之囑弗敢避也戴錫綸謹識

卷首

序

舊序

纂修職名

凡例

目錄

卷一

輿圖

卷二

沿革表

封建表

卷三

職官一

卷四

職官二

卷五

職官三

卷六

名宦錄

卷七

選舉上

卷八		選舉下	
卷九	輿地畧	疆域	戶口
			形勢
			風俗
			分野
			物產
卷十	山川畧	山水	川
卷十一	建置畧	城池	學里
		廟署	學校
卷十二	建置畧	壇廟	梁津
		關隘	墟市
卷十三	直隸南雄州志	卷之首	目錄
	經政畧	典禮	堯
		祀典上	
卷十四	經政畧	祀典下	
		書院	
卷十五	經政畧	祿餼	郵政
		田賦	
卷十六	經政畧	鹽法	權稅
		兵制	郵政
			積貯
			監倉
卷十七	藝文畧	詩一	
卷十八	藝文畧	詩二	
		賦	

卷十九		藝文畧 文一	
卷二十	藝文畧	文二	
卷二十一	藝文畧	文三	
卷二十二	藝文畧	文四	
卷二十三	金石畧		
卷二十四	直隸南雄州志	卷之首	目錄
	古蹟畧	城址	署宅
		坊表	塚墓
			樓臺
			寺觀
			名勝
卷二十五	列傳一	宦績	
		諫宦錄附	
卷二十六	列傳二	忠烈	
		將畧	
卷二十七	列傳三	孝友	儒林
		文苑	
卷二十八	列傳四	行誼	隱逸
		方伎	
卷二十九	列傳五	鄉飲	耆壽
		壽婦	

卷三十

列傳六 列女上

卷三十一

列傳七 列女下

卷三十二

列傳八 流寓  
仙釋

卷三十三

雜志

卷三十四

編年

直隸南雄州志

卷之首 目錄

望

docsriver 文川网  
入驻商家 古籍书城

在文川网搜索古籍书城 获取更多电子书

直隸南雄州志卷之一

輿圖 續編

本州疆域全圖

州境總圖

州城圖

州署圖

學宮圖

書院圖

州城街道圖

吏目分屬圖

紅梅司分屬圖

平田司分屬圖

百順司分屬圖

始興縣圖

有圖有說謂之圖經今疆域城池解署學校書院已詳各門無庸復贅謹列諸圖於前據保昌志補錄街名屬村於後以備稽考

直隸南雄州志 卷之一 輿圖

里十九百一界縣北仁距北西 里十九界縣大距北正 里百二界縣信西江距北東



里百三界江距南西 里百三界南龍西江距南 里十五百二界縣兩南龍信南南東



